



21  
1316

Broj: 05.08-04-53704-102/25  
Sarajevo, 08.04.2026. godine

**SKUPŠTINA KANTONA SARAJEVO**  
n/r Predsjedavajući Skupštine Kantona Sarajevo

**PREDMET:** Zastupničko pitanje, odgovor, - dostavlja se -  
**VEZA:** Vaš akt broj: 01-04-53704-8/25 od 14.11.2025. godine

Vašim aktom broj i datum navedenim u Vezi, dostavili ste Zastupničko pitanje koje je na 26. radnoj sjednici Skupštine Kantona Sarajevo uputila zastupnica Smiljana Viteškić. Naime, zastupnica Smiljana Viteškić je u skladu sa članom 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka i 47/24), uputila zastupničko pitanje, koje glasi:

*„28.09.2022. godine je počelo utopljanje CO DZ Ilidža, čime je on postao funkcionalniji i estetski ljepši. Sredstva (1 milion KM) su obezbijedena iz kredita Evropske banke za obnovu i razvoj, u sklopu projekta Energetske efikasnosti. Inicijative su postojale više godina prije, što u SKS, što u OV Ilidža. Početkom 2025. godine radovi su završeni, ali samo na dijelu zgrade.*

*Pitanja: Da li je plan - projekata da se utopli cijela zgrada? Da li će se dio zgrade koji je ostao utopiti, s obzirom da su tu smještene značajne službe PZZ: Dispanzer za plućne bolesti, Lab. služba, HMP, Apoteka i Uzv i rtg dijagnostika? Da li iz kredita ima sredstava za utopljanje ovog dijela zgrade? Ako nema, da li su planirana sredstva u Ministarstvu zdravstva za utopljanje ovog dijela zgrade? Zasada ovaj dio zgrade izgleda kao pomoćni objekat.“*

U skladu sa nadležnostima, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo daje sljedeći

## ODGOVOR

Objekat Doma zdravlja Ilidža koristi više ustanova iz oblasti zdravstva. U okviru projekta „Energijska efikasnost u javnim objektima Kantona Sarajevo“ na predmetnom objektu su planirani radovi završeni.

Trenutno, projekat je ušao u fazu realizacije LOT-a 3 u okviru kojeg su planirana četiri objekta i to: Vrtić „Slavuj“, Srednja turističko-ugostiteljska škola, Srednja medicinska škola i Pedagoški fakultet Univerziteta Sarajevo i time će raspoloživa sredstva biti realizovana, a zaključno na ukupno



trideset šest objekata. S tim u vezi, Ministarstvo komunalne privrede, infrastrukture, prostornog uređenja, građenja i zaštite okoliša trenutno ne raspolaže finansijskim sredstvima kojim bi se kroz gore navedeni projekat provele dodatne mjere energijske efikasnosti na predmetnom objektu.

Takođe, ovo Ministarstvo ne raspolaže sa informacijom da li će sredstva biti obezbjeđena za dodatne radove od strane Ministarstva zdravstva Kantona Sarajevo.

S poštovanjem,



Dostaviti:

1. Skupština Kantona Sarajevo,
2. Stručnoj službi Vlade Kantona Sarajevo,
3. Lice za koordinaciju odgovora na poslanička/zastupnička pitanja i inicijative-na znanje,
4. Evidencija,
5. Arhiva.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-086, Fax: + 387 (0) 33 562-177  
Web: <http://mkipgo.ks.gov.ba>, E-mail: [mkipgo@mkipgo.ks.gov.ba](mailto:mkipgo@mkipgo.ks.gov.ba)

2/2